

Na osnovu čl. 8. i 13. Zakona o principima lokalne samouprave u Federaciji Bosne i Hercegovine („Službene novine Federacije BiH“, br. 49/06 i 51/09), člana 10. i 68. Statuta Općine Centar Sarajevo – Prečišćeni tekst („Službene novine Kantona Sarajevo“, br. 23/04 i 11/13) i člana 87. Poslovnika Općinskog vijeća Centar Sarajevo – Prečišćeni tekst („Službene novine Kantona Sarajevo“, br. 23/04, 11/13, 24/19, 31/19 i 29/20) Općinsko vijeće Centar Sarajevo je na 14.redovnoj sjednici održanoj dana 29.01.2026. godine, donijelo

**ODLUKA O IZMJENAMA I DOPUNAMA ODLUKE
O RASPODJELI DIJELA NOVČANIH SREDSTAVA ZA PODRŠKU STAMBENOM
ZBRINJAVANJU MLADIH KROZ REFUNDIRANJE TROŠKOVA PLAĆENOG POREZA
NA PROMET NEKRETNOSTI ILI PLAĆENOG POREZA NA DODANU VRIJEDNOST
(PDV)**

Član 1.

U članu 3. iza stava 2, dodaje se stav 3 koji glasi:

„Izuzetno od stava 1. ovog člana podnosilac zahtjeva čiji bračni partner ima u vlasništvu, suvlasništvu ili zajedničkom vlasništvu drugu nekretninu (stan, kuća ili stambena zgrada) na području Bosne i Hercegovine, može ostvariti pravo na refundiranje troškova plaćenog poreza na promet nekretnosti svog dijela iznosa utvrđenog rješenjem nadležne poreske uprave ili plaćenog PDV-a u iznosu od 50%, a maksimalno do 1.500,00 KM (slovima: hiljadu i petsto konvertibilnih maraka).“

Član 2.

U članu 7. iza stava 2, dodaje se stav 3 koji glasi: „Ukoliko podnosilac zahtjeva ima bračnog partnera, potrebno je da za bračnog partnera dostavi dokumente pod a), b), c), d), e) i k).“

Član 3.

U tekstu Odluke o raspodjeli dijela novčanih sredstava za podršku stambenom zbrinjavanju mladih kroz refundiranje troškova plaćenog poreza na promet nekretnosti ili plaćenog poreza na dodanu vrijednost (PDV) riječi: „(stan ili kuća)“, zamjenjuju se riječima: „(stan, kuća ili stambena zgrada)“.

Član 4.

Ova Odluka stupa na snagu narednog dana od dana objavljivanja na oglasnoj ploči Općine Centar, a naknadno će biti objavljena u „Službenim novinama Kantona Sarajevo“.

Predsjedavajući Općinskog vijeća

Benjamin Isović

Broj:01-11-528/26

Sarajevo, 29.01.2026.godine

Ova odluka je objavljena na oglasnoj ploči Općine Centar Sarajevo dana

- 3 -02- 2026